

閩侯縣志卷八十七

孝義上

閩縣

唐

林郇陽博通三史應詔入內侍講授大理評事奔喪歸以孝聞

林浦唐未避地海濱凡山巔水涯可維舟處皆鑿義井以給行人名林公井及卒里人祀之

宋

周勣張浚幕官時趙鼎貶潮州人莫敢顧勣爲挈家屬寓福州外邑坐貶唐某出藏鏹二百萬賑鄉人子堯章字煥文能繼之又遣子煜從朱熹遊

明

蔡梅母陳氏疾籲天求代刲成和粥以進母疾尋愈

林觀字用賓洪武中隱居不仕性厚而直鄉人化之凡有訟者皆往質平

閩侯縣志

八七

孝義上

卜地葬父母術者曰吉壤也後當有至公卿觀曰野人也敢望此若有福與吾宗共之乃取族人火化者二十四骸瘞其中後子元美官知府孫瀚曾孫庭棉庭機元孫燦燦皆官尙書晉宮保觀贈如其官

張燦字彥明少孤事母朱以孝聞朱嘗病燦割股和藥進之景泰丙子鄉薦終海寧教諭歷四縣學舉其官

薩琅字用讓家貧勤勞養母母病禱北辰願以身代母絕而復甦曰神人告我以子益壽三十四矣三年乃卒計三十四月也嘗得金珠一囊乃里人爲官捕逃急而遺者琅悉歸之買地掘白金還其人主其人分半以謝卻不受部使者欲薦之辭不起子琦官侍郎

施綸字克端性慷慨樂善累貲巨萬輒施親故之貧者友人鄭建負人金除夜索逋急綸過謂茲何夕乃爾相逼爲償五十金郡守唐珣每修舉郡邑廢典或有工役綸必輸助

林奎字世集弘治癸丑進士知陽江縣陞戶部主事嘗推己田宅以贍兄

弟

林遂字伯祥幼孤嘗割股和粥以愈母疾撫二弟至老不析居洪武間代弟輸運涉海大風覆舟舟人盡沒遂獨憑一木以免鄉里驚異之

林貞字孟幹早喪父母既長富室黃巖中無子一女淑慧通書以贅貞而巖中豪曠縱酒貞婉言弗納繼之直諫期年不相得貞勸巖中立從子爲嗣而已與其妻歸不持甥館一物時祖產已屬諸兄家徒四壁恬如也兄孟高洪武時爲吏部員外郎歿於官貞撫其孤克有立曾孫謹夫成化甲辰進士知景寧縣縣故有銀冶豪右擅採取利輸課則困齊民謹夫力白當道得蠲豁

林鈞字克秉爲諸生母卒慟哭幾絕流血盈升里有淘江爲通衢潮衝擊岸半圯鈞捐貲修之構亭江滸以便待渡者

曾用敷世業儒沙尤盜起令民願出粟助官者聽用敷語同志曰境內危急若吝積弗散仁乎慢令弗趨義乎歟唯唯用敷募舟出米八百斛溯流閩侯縣志 八七 孝義上 二

上厯溪灘風濤之險皆身先之同志者接踵至

莊思正爲諸生自號樂閒年十五割股愈父疾治家嚴肅戚黨告急者視橐中所有必饜其意以去六世孫修字聞修邑諸生家居講學悉依白鹿洞規冠婚喪祭具循古禮修子以俊亦諸生家貧以館穀爲菽水資陳燉字文明與蔡清俱受業於林珙之門清素重燉常館諸家塾以子弟託之祖母張苦節終燉以父有疾悲哀倍常竟以毀卒

傅琦字希玉有弟瓚目盲廢業父母不以齒他子喟然曰是不幸而盲奈何割恩乃推美衣於瓚而自御粗糲者瓚亦慧善以口鼻嗅啖金銀珠貝手摩錦綺繒縠布縷定估直高下卽明目者不如佐琦理家事倡於鄉月施錢購棺置僧寺以施鄉人俾一僧司出納書於籍子鼎舉宏治己酉鄉試第一官吉水知縣典山東試稱得人

王隱字叔人弟叔義屢空以所有周之鄭氏女兄無子不得於夫迎歸以養終身不見忤族孫宥孤且窮寄食治匠家隱聞亟反之爲籌其所衣食

焉

鄭汝信事繼母如所生撫孤弟篤友年九十餘尙強健人問頤養有術乎曰少思寡欲庶幾有之

袁宗耀字世明正德癸酉舉人以母病不上春官嘉靖初授銅陵教諭年四十餘未有子妻爲置妾宗耀曰吾日暮矣勿更累人卽遣還後妻舉一子歸老遷開封教授不赴家居敦尙行誼父有庶子分產讓之

張萬里字廣陵有俠氣受知於督學江以達以貢入京師適以達因事下詔獄萬里傾身護之卒脫其死官終湖廣都司經歷

林燧字世成幼失父母許氏嚴督之燧朝夕溫清母命之去乃去年五十餘猶有孺慕母或色不怡跪問故必色愉然後起先世有美田宅堂兄以礲瘠易之燧曰吾鮮兄弟同堂猶同胞也慨然與之里中民有爭訟或兄弟不協者惟燧言是聽

林秋字貞義嘉靖癸卯舉人性孝友好施兄熾賓州吏日卒於官秋萬里閩侯縣志 八七 孝義上

歸其喪婚嫁其子女至自鬻其所居窮約自守歷官有廉潔聲終靖江長史

陳伯亮中允謹之父也生平不食言家積粟有糴者誤遺金而去伯亮急追之呼曰而更欲糴邪何爲多與吾金其人感而謝之嘉靖聞倭掠郊野伯亮自鄉移入城市屋者多售數百金其故屋主訟之巡撫阮某欲罪其人而令減直以歸中允伯亮不可勅謹曰汝慎無爲此向者吾避寇急於問舍旣成價矣雖多得吾千金不悔也中允乃辭諸阮

陳謨字繼顯有孝行竭力養志父僑好施謨皆先意而行父歿號慟哀毀結廬墓側數有虎卧廬卧外昧爽起拜虎始逸去

楊一謨字世文嘉靖乙未進士歷貴州參議乞養歸晨昏問侍孺慕不衰親卒刻木以祀哀毀卒

鄭靜夫少孤嘉靖聞有倭寇靜夫棄二子一手携布囊挈神主一手負母避山中遇賊索金見空囊欲殺其母靜夫泣告母老且病殺我足矣賊及

其右臂臂斷神主墮地猶以左肱衛母賊舍而去尋死母坐守一夜亦死族人收瘞之

鄭雲鎬字周卿諸生爲伯父坦後嗣母鄧氏矢志撫如已出嚴迪之如父師雲鎬事鄧尤孝謹不啻如母凡可奉母歡者罔不備歿猶孺慕不衰本生父卒上書學使請終喪弗許登隆慶庚午鄉薦守連靖二州有廉聲官終益府長史

鄭天挺母喪在殯賊至天挺守柩不去賊索金天挺拜且哭曰家貧安得金所不去者母柩耳賊殺之併焚母柩

鄭時進參議觀子也家饒於財慷慨樂施嘉靖二十三年大饑時進積粟一困悉散其族

林惠字仁澤父歿廬墓三年凡祭必敬將祭必齋兄弟六人同爨四十餘年雖妯娌亦無閒言嘉靖閒歲貢官終增城教諭

王夢麟字維振父子聰遺四弟貧且穉夢麟舌耕哺之讓宅諸弟躬儻破

閩侯縣志

八七

孝義上

四

屋以居舉隆慶順天鄉試官桂林通判

許希賢字世昌兩居親喪哀毀骨立旣葬廬墓所凡二十八年虎不爲暴子孫懇請乃還家以壽終葬貴安山

林貞勝字益甫諸生遊南雍授都城廂使父疾籲天請代母病日親舐其鬢爲伯父後生事死葬無異所生溽暑設漿於門歲祲設粥於道凡津梁道路之頃圯者靡不捐葺博洽能詩文所著有益甫集

董世道字克濟少貧節縮治生久漸饒與兒子中分田宅凡族姓不能婚葬者周之居瀕海屢燬於倭世道捐貲築城立平糶法春秋出粟以借至冬收粟率免其息道拾遺金候其人還之貧而負債者捐弗取見流殍輒爲坎瘞王參政應鍾作傳紀其事

林宅賢庠生家貧教授里中兄有狂疾家人幽閉之宅賢輒出兄與共飲食兄食已乃去生平無怒容人有非理宅賢見之色微莊鄉人輒訾曰汝見怒於林君足恥也

謝宜相字道安父源字仕潔正德辛未進士授監察御史巡按江西屬宸濠叛與王守仁協力討擒之已爲時所忌罷歸宜相嘉靖辛卯舉人與人交久而彌篤客京師與逸士張子詩友善子詩死爲治喪營葬恤其孤楊一模字世文嘉靖乙未進士歷官貴州左參議乞養歸奉母晨昏問侍孺慕不衰母歿毀卒

林堪字尙乾嘉靖癸卯舉人授澄邁教諭輯邑志訓諸生以勤能著分校南畿過太平有兩監生持數千金懷刺求通堪署刺曰藉貲而負所學受貨而負吾君皆天戮民也兩人愧而遁遷宣化知縣同安洪朝選爲廣西參議與堪善朝選與巡按御史抗御史劾朝選並及堪遂罷後朝議以御史言不當調朝選而出御史然不及堪矣性至孝大母許治家嚴堪幼侍竟日未嘗移寸趾奉父母承顏順志有一弟父母愛之第一子而堪子三以已產均弟焉

熊高字時仰以好義聞邑中萬曆十八年邑旱禾盡槁樹無完皮高謁令閩侯縣志八七 孝義上

五

願出藏粟千石以救餓莩自高倡而出粟者踰二十人人民賴以活

林天祿年十三剖肝愈母疾曹學佺處之舍旁日給廩一升無何天祿與母俱卒復有黃道祿者亦剖肝愈其母其年齒與天祿差相若後二年父邁疾復剖肝以愈案剖肝事不可信姑仍之後有他孝行者即削去

鄭濟之字心鎔胞兄竇之多病伏侍湯藥衣不解帶生四男以次子思銓繼堂兄震之以三子思光繼竇之族黨稱孝稱悌無間言

齊德成字仲孚弟卒無嗣撫孤女如所生營葬治奩悉從厚精岐黃術貧者予良劑不望報嬰孺全活者甚眾年八十餘卒著有全嬰寶鑑

林世勤字天懋尙書爓次子博覽羣書父卒苦塊三年哀毀骨立以奉母黃氏不應南雍試者三構娛萱亭亭中靈芝生者三

林一鷺字汝周父道政精春秋三傳一鷺從父授經家中落授徒供菽水以德行化鄉人以詩書訓子孫修譜牒舉蒸嘗一門之內彬彬禮教晚歲制行彌篤鄉稱祭酒以長子先春貴封文林郎次子鼎春郡諸生

朱應冬父患瘡應冬禱神割股裹以藥瘡爲少閒每出必告近則爲父治一日糧遠必數日俱備歸則與父同榻抱父足而眠後父瘡再發應冬泣曰必我行詎虧累父至此吮瘡三日瘡愈

清

林偉字堅之父公衡以貢生授廣東南寧通判明亡棄官歿於南寧北鄉偉往尋入南寧徧叩官吏故老無知者遇老僧贈金令行腳指途行百餘步有亭半頃中有木主字明滅不可識拭去塵土見有南寧通判林公六字偉狂號曰吾父在是矣抱主而返途遇老翁聞偉語音曰子閩人耶吾亦閩人聞明季年曾有官南寧者歿於北鄉柳坡鄉人德而祀之其卽子父耶偉往驗封土隆然諷日啓土負遺骸謝山僧歸

江汝修順治十年冬海寇周瑞登岸肆掠汝修與弟汝欽有勇力率鄉人禦之殺賊數十以衆不敵鄉人潰兄弟被執賊曰爲我用貨汝死俱不從賊怒并殺之逾二日子大美收二屍面如生遂合葬於上井山

閩侯縣志

八七

孝義上

六

趙沂字閩仙順治己亥進士選新城知縣地瘠民貧豪黠者多逋負沂歎曰邑逋糧吏無以稱職而急操之是子民而仇之弗忍也以病告歸後寇薄城焚城外民居有從寇中呼曰毋邇趙長者家沂比屋數百家得免及避寇東山下東山民亦免於寇難

林可棟字能任隆武時由太學生授以職辭不仕避跡鼓山欲薙髮爲僧提督楊捷開關閩疆知其賢寄以帷幄軍興擾攘之頃不得已應之時山海交訌桑梓鼎沸可棟居中多所保全總制李初下車延諮機宜可棟區畫瞭如指掌李亦推心置腹信任不疑如却紅夸請居內地罷勦海無益師旅以及開海復界諸條議皆非書生所敢言范承謨入閩禮聘可棟耿難作與同事稽永仁被囚可棟獨爲主者呼入殿中訊之知永仁將不免慷慨相向曰余老矣死固其分願以身代永仁謝之又密謂永仁曰公死我輩誓無獨生理陰以鐵鎖換喉頸舌吐寸許而手軟不自支遂復甦後以九十三歲老母在戚黨營救脫於難乃收永仁骨殖殮付其僕

鄭璿字若文父正誠教諭南安海寇陷泉州僞官俘知縣及教諭幽廈門璿徒跣奔往見其父父曰吾命懸呼吸兒留增一累宜急歸璿悲傷饑餓卧同學翁姓家頃之父至曰僞官已議釋歸兒盍先渡海璿遂歸逾年而父不返傳僞官悉解臺灣璿復蹈海尋父至臺灣而父先遁歸三月矣張之材順治戊子土寇將圍城城內食盡凡民出城市米官給符以行之材父母不得食垂斃乃出市米賊要而奪之之材呼曰是將以活我父母忍見奪耶與賊格鬪折脅流血米及衣服盡掠去匍匐至南關所給符未失門者納之時圍城中無醫藥而創自平父及母亦無恙

張綸字道羽貢生能文章執親喪三年茹蔬嘗置田以供祭祀又析產與出繼弟餘悉以給族之孤寒緼袍麤糲怡然自甘

胡守謙字牧孟康熙己酉武舉人十三年耿精忠亂抽兵各郡縣謙料耿必敗漏其語爲邏者所獲殺南關市

陳國琦字琢成補弟子員值耿變初平師府稔其文行題授教諭歷沙縣

閩侯縣志

八七

孝義上

七

大田甌寧戊午海寇林信陷漳平移兵大田防將余虎素與令侯執纜不協乘勢恣橫夜半寇將攻城執纜欲自經國琦曰事急矣乃檄諸生范文景田乃章等率練長鄉兵分陣守城親馳虎營中以大義責之虎爲感愧出師退賊城賴以全

翁應宣字士宜孝事繼母敬養兄嫂撫姪如己出耿藩之變勸之仕不從避地福清讓產睦族

林萱字乾之諸生康熙十五年清師逾嶺僞帥潰卒南下者擄掠無虛日萱率鄉民竭力堵禦里黨賴以安全耿變既定海寇復揚帆內地索餽餉不滿其欲不去濱江海民苦之萱復營贖金凡九閱月事集而難解

孟傳德字惠卿嘗晨出見遺金於道待其人至還之性好書節縮衣食輒購書凡所讀者必手錄之好醫錄方書亦積數十卷孫超然乾隆間進士自有傳

林世發字君奮父歿哀痛幾不欲生母老病日夜侍湯藥不倦母色少變

卽跪問故俟霽乃起撫三弱弟極友愛後相繼歿鞠諸姪無異己子腴田大厦悉以讓之

鄭起順治戊子兵荒父母及祖父母相繼歿起年十七附身附棺艱難備矣撫二幼弟成立旋俱早世撫諸姪孫如撫其弟百口共爨庭無閒言晚年復捐金收骸施棺

林鏞字永範庶弟錡幼鏞篤愛之及成立推產以讓生平賙人之急道路傾圯悉捐貲修庀之

吳庭樞字崇卿五世同居康熙四十六年壽百有二歲奉詔建坊旌表踰年卒子尙焜年七十事期頤老父晝則杖隨夜則聯榻一宿三起寒暑不輟

謝宣字爾旬事兄宏如嚴父一錢寸帛必稟命焉嘗傾囊爲業師林啟平葬及五世中康熙庚午副榜出閩邑令溧陽吳琇門琇以挪移錢穀被劾獄急將鬻其養女閔氏以償宣謀諸兄宏立以三百金遺琇止之已而琇

閩侯縣志

八七

孝義上

八

復如前謀將舉券宣白兄曰事急矣非留吾家無以全此女復釀錢二萬爲琇納媛以女歸宏撫爲己女盛裝資擇士人嫁之後琇死宣亦卒兄宏猶爲買舟給貲糧遺其家十餘口還溧陽宏丙子武舉

楊必亨國學生順治丙申年十三海寇掠福州父被執必亨哀告願以身代賊感動父子得俱脫母沾瘋疾起居飲食悉躬親不少怠

葉良駒順治戊子疫氣盛行死者枕藉駒購藥以療全活甚眾死不能殯者埋之歲饑傾廩以濟子宗秉克承父志構書舍延名師勸族人士子弟力學捐置義田爲膏火資又大建宗祠增祀業以子廷梓貴贈奉政大夫

林祖植字建伯父以事累當下獄祖植代之論戍永平會李光地巡撫北直請減等釋歸都中公卿咸贈以詩

施元暘字賡白順治戊子郡饑元暘出已粟分贍族眾有塋地在北麓奸人盜鬻某姓臨窆事覺元暘見其七棺半朽一孤始孩竟舍之又年十三時曾割臂療父疾同時有林靖字獻卿侍母疾數月不解帶事節嫂如母

撫孤姪如子順治戊子歲饑分粟鄰里施林子孫咸列仕籍

莊念勤字若丹自明思正後莊氏紹書香者十三世至念勤始舉雍正癸卯鄉試生平力學史鑑諸子細加評晰負笈來遊者多掇巍科而去母病與弟庠生其綦衣不解帶者二載兄弟式好視姪猶兒

王廷樑字維才喪母廬墓三年墓離家五十餘里每三日一歸省父父歿仍廬墓歲時祭祀雖久涕泣如初篤於兄弟約歿必共葬預爲同穴之壙戒子姪勿違

魏開業府學生早喪母哀毀盡禮隨父端餘客吳門先意承志父欲振貧周急皆力辦之娶繼母陸氏舉五子開業撫諸弟怡怡友愛幼弟開德患痘幾殆而父甚愛之開業禱於神願減已算以益弟年已而果瘥體素羸父病用刻削劑日嘗藥以進勞瘁而卒

何佩珠字嘉璠雍正間拔貢生母歿哀毀骨立季弟早世撫其幼子教養兼盡及長又卒更卹其遺孤割田數百畝置祀業又給衣施楫周郡中節

閩侯縣志 八七

孝義上

九

婦之貧者

趙繼蕃父病割股以進父母歿以哀毀卒同里方元干母高氏病革元干禱於神請減年以延母壽又割臂調羹以進母病遂愈後母歿以哀毀卒江際田父廷相病篤際田割左臂以進劉志清父病甚割肝以進高行均節母陳病革同姊割股調糜以進

何長浩字得然自福清遷閩縣勇於爲義府學遭颶風將圯長浩獨力任之又葺侯官南平二縣學修建南臺大橋臨卒囑其子員外郎際速建福州試院乾隆十年大府疏請官其一子同郡王以標自西安塘至洪山橋路壞亭圯捐貲贅砌

陳榮字如芝例貢生父歿年方十三及葬兄在墳操作隨往飲助母鄧氏止之以號泣請墳成朔望必造墓所哭奠母病服侍左右不解帶者旬餘母終水漿不入口者累日兄病禮斗七晝夜願以身代兄歿恆涕泣言吾兄勞瘁半生不享其年全家衣食皆兄之賜也兄遺孤甫十齡素有哮喘疾

榮護視備至既長授室而歿從孫廷魁長延名師課之讀道光壬午廷魁舉於鄉第不過稍分其勞及析產均平如一人有資貨物以賈而失利者益其貲使不失業或析券不留族屬戚友沾其潤者數十家喜義舉文昌宮萬壽橋皆捐貲以葺其成云子駿元字卓齋母卒哀毀不食父喻以傷生滅性乃稍進糜粥茹素者二年父疾調護不離左右父以駿元長佐理家政勞囑倍予產業駿元泣讓戚友婚葬及應試計偕力飲不吝遇歲疫必製藥濟人親自檢點道光丁亥歲拓修貢院捐金襄事以上道光舊志

陳智字昌守生平好施與有貧乏不能自存者無親疎必多方調之嘗於路拾遺金待其主還之子三隆貢生藻增生乾元附貢生曾孫若霖在例傳

陳世元監生因熟悉樹藝之法自願赴河南教種番薯年老急公遠涉患病身故巡撫畢沅爲奏賞國子監學正職銜地方官妥爲照料護送回籍林衡舊名璣字義孺諸生幼孤事母孝博涉經史性嚴正好義有姊寡無

閩侯縣志 八七 孝義上

十

依迎歸供養三十餘年喪葬盡禮友歿稱貸爲之殮復月給米養其母閩邑令擅撻諸生衡憤其冤率庠士籲憲司求理因除名後重入縣庠改名衡與治南名輩結平遠詩社著有鳴晝竹窗筆記博古錄草廬文集何敬祖字得充號鈞濱雍正癸卯拔貢截取儒學教諭嘗於乾隆二年捐修福清縣學宮未果而卒遺命其子辛酉科舉人鵬程必成已志鵬程費白金三千兩有奇葺其事

薩龍光字肇藻號露蕭自其祖父業鹽筴百有餘年好施予龍光性孝友與人忠信其在戶曹也郎署例有餐錢人歲數百金悉留以資京僚之清貧者不足則捐貲以濟同郡之謁選及試禮部者多館於龍光所數常居會館之半鄉宦某逼逋負將以身殉龍光偵知傾囊解其厄及連丁外內憂伯兄復卽世遂無宦情且念子姪食指數十親故待以舉火百十家因專治鹽筴從子既長則分祖遺及伯兄手卹業歸之而鹽政日敝所代承課額不下數十萬金推惠老幼鰥寡病死者貧無以嫁娶歛埋者族戚之

月需錢米者士子之赴省試禮部試者親以逮親友以逮友往往無半面之識莫不給求自舟人哨丁臧獲乳媪以及百工人人得其欲以去林袁州其宴先與同部相善卒官家貧子又夭乃娶其女爲子婦以恤其婦若孫寧福道某一面之交歿爲辦喪具眷屬淹滯周之歸久之猶時寄金恤之侯官令某以虧空干吏議倉卒求助慨然與之西郭外宗祠圯於風捐金新之並修湖西第一亭其他如增置鰲峯書院學舍修洪山橋建東街文昌祠修鼓山湧泉寺乙卯之賑饑丁丑之濬河皆倡輸千金或數千金居郎署時長官將擢充軍機章京及寶泉局監督皆辭於鹽務每爲通商籌利弊多有便於人者嘗誦西銘之語曰富貴福澤將厚吾之生使之爲善也輕乾隆辛丑成進士選翰林院庶吉士散館改部主事卒年六十有七葬西郊羣鹿山之陽

趙承烈字忠美號淞船乾隆戊申舉人截取知縣借補惠安學教諭母久病侍湯藥無少懈出節相蔣礪堂門蔣深器之延課子在節署二十餘載閩侯縣志 八七 孝義上

十一

未嘗干一外事及歸將所得修金買田宅均分兄弟無一毫私已只一子十九而殤媳陳氏未婚守節

陳薰南字蕙畹貢生幼知禮讓居父喪廢餐累日事母葉氏菽水能得歡心母病風攣兩手不舉薰南每飯親哺或出就館閒日歸則妻張氏代哺有友宰厯城歲訂五百金延之幕以母老病堅辭反其幣母壽八十有一親哺者二十餘年無閒父沒時三弟俱幼薰南筆耕以給皆爲授室以迄成立幼弟光清苦學病瘵卒無子命次子篆爲之後勸學勵品用優行貢以成第志著有鋤經書屋文集啖蔗齋遺艸

梁升南諸生父歿哀毀廢餐母在堂竭誠孝養母年七旬暑月抱病南晝夕奉侍竟忘酷烈兄異產棄世後撫其姪如子同產弟以瘵夭亡鞠遺孤比長爲營生業戚友婚葬力不能舉者傾飲不吝

鄭嗣昌字寶爵監生乾隆六十年米價騰貴嗣昌倡議捐貲遠糶他郡減價平糶時同縣許音亦出藏粟減價散糶親族默禱於神減年以延親壽

鄭義正父病足疽醫治無效或謂吮之可愈義正請於父責之曰余病在膚毒入兒口患及腹心奈何義正號泣以求從之數日疽遂痊母得偏枯症舉動需人義正卧母側侍奉三年母病亦瘥父咎其兄義正請曰兄弱難任鞭撻兒願爲兄分痛父因之息怒焉

鄭璿字子中諸生父羽侯胸生疽璿禱於神願以身代父卒母方氏病醫治無效乃發篋陳百家方書得母病之由治之立瘳遂以方濟人族之孤女因亂沒爲婢者二贖而嫁之子恭縣學生補抄謝臯羽晞髮集五卷至八卷爲之後序又作月令中星考均田論學使沈涵器重之

袁載榮職員幼有至性父早歿歲時造墓哀慟感人事母黃氏曲得其歡母老而康強六代同堂兄舉人濤自幼式好兄卒撫姪成立同居百餘口內外和睦族黨無閒言子冠芬冠芳先後舉於鄉

陳心恬父母早亡依繼母庶祖母叔母以居小有過長者督讓之俯首拱聽悵慕亡親哀意宛結在繼母及尊長前溫清定省怡顏若無戚者年十

閩侯縣志 八七 孝義上

十三

九血疾作踰年竟卒

何履旭嘉慶間隨其父出洋揚驅二日父歿海舶履旭以衣裹屍同卧淡旬俟舟抵埠孝子始敢放聲哭同舟視之屍已朽腐

何道源字廣文父志高負販廣東遭風漂泊不返道源年十五屬弟道泉奉母而獨往廣東遍訪不得一夕宿古廟夢神告曰爾欲尋父盍往越南道源欲附商船往而貲已罄商人詰其故曰孝子也不受其直遂至越南果得父時父病瘵服事五月而卒道源佐人選藥葬父而返與弟奉母惟謹母卒廬墓三年每朔望必偕弟至宗祠讀祖訓以勸族人歲暮於普濟堂按名給錢又建塔於漏澤園以掩枯骨

廖岡陵字陸峯父昂官把總以剛直忤上官落職懼禍及避去時岡陵甫九歲泣告諸父執爲營護事白而父去不知所之乃白母往尋徧歷郡縣久之遇於永安旅次奉以歸母好施與苦家貧岡陵置篋於室實錢其中匱則密益之戒家人勿以聞長姊嫁延平母思念之陰遺以貲勸其遷居

省城次姊與妹皆早寡母憐之遂與同居月給薪米撫其孤成立通堪輿家言有力者勸之葬無力者助以資子鴻翔嘉慶戊寅舉人廣東知縣鴻禧道光乙酉舉人鴻苞嘉慶丁丑進士四川雲陽知縣鴻藻鴻荃均見列傳案鴻藻鴻荃籍侯官道光志以岡陵入閩縣仍之

陳士鑑習儒業以佐父持家累故棄就會計父病侍奉調護不解帶者月餘事兄誠敬以雍睦訓族衆歲祲倡先出粟賑貧乏里閭中遇有忿爭力爲排解

吳桂森字啟芳年十一聞父遠謫堅欲隨侍母憐其幼執弗遣越五載母卽世百日後忽失所在乃一路行乞往尋父也時年甫十六旣至父所侍左右跬步不離者五年父令歸試則跪謝曰兒知有天倫之樂不慕功名也令歸娶又跪謝曰兒齒尙穉不急妻也嘉慶庚午父遘病籲天求代竟成疾卒年二十有一里中士族魏應梁女名水音善事父母年及笄猶矢不字父母違其意擇字桂森及聞耗慘然曰兒不能全孝矣遂堅臥不起

閩侯縣志 八七 孝義上

三

絕粒死

蔣春堂字振器年十九父病劇醫者言胃將敗春堂籲天大慟父歿水漿不入口者數日母諭之曰爾家貧弟妹幼爾哀毀滅生弟妹何以活爲乃勉杖而起力營葬事母疾篤力禱於神弗瘳乃自割其股以入劑煮之疾愈同胞三弟患瘋痰病一日外出失所在母旦夕思念春堂風聞其航海之臺乃涉重洋覓弟歸春堂初習儒貧不能糊口改學醫常以其術濟人子鎔嘉慶戊寅科舉人官安徽鳳廬同知有善政在民

賴景祚字介亭道光辛巳舉人景祚長其從父子瑩五歲與同學於從祖某有所得必以告子瑩子瑩偶惰輒進規雖諸父行也護惜之如弱弟焉自與兄弟會食一人不至不先嘗也其從祖晚年多疾景祚日侍其側色恒不怡及卒哀痛如失所生

何樂崇字恆海恭崇字恆喜拔崇字恆挺兄弟三人以孝聞繼而以其所贍者振于其鄉凡鄉之孤者貧者寡者死無以葬葬而暴露者咸爲振卹

掩埋三人卒後子弟各踵成其先代之美恭崇子則達樂崇子則賢傳在
文苑

則達字道觀以字行別字干賓平日善舉如施粥敬節外創設蒙塾者八
掩埋露轉者累千增捐鳳池書院膏伙名額道光十六年以仗義倉穀議
敘六品頂戴二十一年復以捐助福州城工奏請加知府銜

陳瑞魁字學仲父卒哀毀骨立母在堂因棄儒習價竭蹶奉母母壽終營
葬不惑堪輿家說歲祭掃卽驟風雨必往終身無閒兄早逝事嫂以禮延
師課兩姪授室後析產多與之姑適江寡無子迎歸養之歿爲合葬於汪
氏之兆妹適謝亦寡而無子嗣以己子殤至今猶祀汪謝二家主於家舅
洪家貧屢周其乏歿爲營喪葬有友同賈於臺病歿攜其柩歸葬焉生平
慕忠孝節義之事輒書座右以自勸

王宗樹字道暢北關外龍腰往來孔道爲山水所衝旁銳而中陷負重者
恒傾跌宗樹購石填砌成通衢桐口靈通橋爲上四府必由之路年久傾
圯只墜石數塊縱橫其上下臨急湍一失足輒隨流急下溺者歲十數人
宗樹募修已爲之倡半年橋成寬闊有加丁巳冬省城米貴鰥寡孤獨廢
疾者日藝香叩總督轅門時其子景賢在署教讀命以民情上達卽日率
屬捐廉設兩廠專賑之凡七千餘戶七閱月乃止

楊和鳴字笙友少孤依伯兄鶴鳴以讀道光戊戌成進士以翰林院庶吉
士改官工曹是時嫡母吳氏生母陳氏春秋高兄又歿於浙一家老弱和
鳴奉兩母家居課諸姪誦讀誓墓弗出又以家計繁重權磋商戚鄰之
貧乏賴舉火者數十百家性至孝母病熬天香百日禱於嶽神請以身代
卒以是歲先陳氏歿春秋纔五十有一

龔燿孫字文波父福康官湖南靖州燿孫奉母隨侍前後三十餘年依左
右不仕不歸試時髮捻亂逼湘境福康集民團備防堵積勞歿任所母隨
長子避亂入川尋歿于夔燿孫扶匱由賊中歸備歷艱險欲以身殉柩者
屢矣前後留滯途中者凡十五年始達曾在靖州辦軍儲得京秩候選而

已性孝友兄弟在川中者所負之債計萬金皆用已名作券與之使不爲他日累兄鑑波喜任俠或糶糶一擲百十金負則呼耀孫籌還然實無一錢出於稱貸工楷隸善丹青衣裘不飭甘旨不飫晚年于易圖官至布政使以祿養改其常周恤戚朋則竭情無吝修宗祠立義塾置田贍族皆督易圖以次行之山西饑捐賑巨款焉

洪楠字季汀監生幼孤事母至孝侍疾衣不解帶者累月母卒哀毀骨立三年歆粥遇父母忌辰必抱木主號泣家素貧棄儒業賈所得與兄弟共財終身無閒族婦王氏早寡矢志撫二孤楠周其饑寒以成其志措修脯使其子學比長爲之營生計有友郭年七旬子媳繼亡頽然四壁楠按日膳給之死爲之殯埋

材于制與第三人浮海爲生皆有膂力于制尤雄偉面黑如鐵時海寇猖獗被劫者無敢與抗于制兄弟煮粥數釜遙潑賊艇隨撒以豆圓而滑賊踐之立踣而破碗石卵亂擲之賊不能鬪于制乘閒躍上賊船殺賊棄尸

閩侯縣志 八十七 孝義上

五

海中賊聞風退縮四人前後殺賊以百計賊渠憤恚曰此人不死吾志不逞矣一日伺于制船出天津賊四面設伏環而攻之于制兄弟獨舟無援鬪兩晝夜勢窮被擄皆遇害

許朝均號和齋先與弟朝端分居後以弟中落復屬與同居爲其娶室生子甫三歲女甫兩月而朝端死兄朝全亦早世遺子皆幼朝均皆爲撫字時兵寇擾攘避匿深山朝均以一身經理諸孤及成立復爲婚娶并析產分給之

王俊華字貞高貢生修祖墳置祭田以繼父志弟姪無力婚娶者資助之有死喪不能殯埋者施棺助葬以百計親朋告貸周之不責其償亦無吝色附近亭橋傾圯道路崎嶇凡力所能爲者無不樂爲捐修同縣林調燮林鴻亦以孝義聞

郭金鑾監生撫孤姪如己子視從弟如同產族戚有無力喪葬者助之與同里生員李振熙黃有恩儒士李博安林金音謝肇慶劉如珪均以孝友

聞

林祥字叔擎父開瓊官永安教諭歸卒家貧有二寡嫂窮困無措祥誓不娶竭力供奉以卹其孤兩嫠安之其叔兄茂才祺病亟祥齋素籲禱剖左肱和粥以進兄病尋愈祥遂不復葷食生平銳意文章不求聞達嘗病瞽後復明力學有悟自號懺凡居士

陳顯揚字惟錦侍老父疾衣不解帶母患風毒吮血舐癰祝以身代前後居喪哀毀待族戚間憫孤寡助嫁娶多方拯卹

張崇美性至孝幼時卽知爲父服勞弱冠父卒水漿不入口者累日母在堂奉養惟謹待族戚有恩誼貧不能喪葬婚嫁者力飲不吝買彌陀山全崙爲合族葬地捨屋四櫛給戚友無家者住輕財樂善建龍嶺關廟重修水關萬壽庵皆捐貲力葺厥事母多病躬嘗湯藥調護飲膳歷七載無閒母卒崇美哀毀成瘵竟以是疾終

劉廷章字建綸號芸圃職員親喪哀毀骨立忌日哭泣祭祀必誠必敬篤

閩侯縣志

八七

孝義上

六

友愛撫兄子若子延師課讀俾有成立女弟孀而貧迎養於家教育其子女輕財好義歲饑有鬻女者嘗出數十金爲倡令母子復全族譜失傳出資轉鈔分置各房傳爲善譜著有省心錄家訓錄啓蒙禱記陔華騰艸若干卷

葉滌名監生幼知孝父病篤焚香祝代後父歿哀毀勺水不入口者數日嫡母早喪生母林性嗜糲餌必親製以供尤篤手足兄弟六人食指浩繁各營生業供家計歷數十年未析箸家中尊幼無閒言喜周人急傾囊不吝待婢僕亦極寬恕婢年甫及笄卽爲擇配嘗訓子弟以待下寬爲惜福王世光字殖庭祖永焯字旒峯父子文字泰廬乾隆閒由長樂遷閩縣俱有隱德世光五歲喪母九歲喪父兄世耀客建安弟世輝早逝每念及悲不自勝少寄食外家伶仃孤苦遂力營生計痛親早亡遇諱日祭務豐潔謁墳必徒行至老弗衰孤甥林朝濱年長艱娶飲其婚貲舅氏歿無子奉木主於家歲時并爲省墓親故貧而無告急而有求者皆籌畫以濟之未

嘗負人一錢而爲人負者無算爲子擇嚴師勛以績學植品

方英穎字隆文其先長樂人移閩縣父諸乾隆五十七年赴山東肥城縣幕摯與俱三年父卒英穎年十五號哭典衣負骸歸路經蘇州病月餘金盡逆旅媪逼取餐錢解其囊見骸急棄道旁英穎抱骸啼哭達旦縣令過而詢之英穎泣訴顛末令曰孝子也罰媪給旅費並予文憑俾護骸歸鄭文久幼失恃數日不沾水米事父並繼母極得歡心弟天亡弟媳年謹笄撫卹之始終無間爲人排難解紛遇荒露枯骸必捐貲掩埋之

高文駿父病殆刲股和藥以進病旋瘥兄文駒早世愛孤姪如子禮敬嫂氏無少渝尤喜施與親串告貸者必於父前代爲婉求俾各得當以去年二十五歲父復病時酷暑服侍積勞成疾猶強起奉視以慰父懷因疾甚卒

李超林字興謀父母皆年逾七十超林晨昏侍奉無閒有兄三除畚鍤外無一長超林主持家計不較錙銖自奉雖儉而闔族養生送死之費無或

閩侯縣志

八七

孝義上

七

吝戚族中賴以舉火者十數家卒之日鄰里爲之罷市

董貽馨字有典幼知禮讓生時父已年登花甲稍長父老多病動輒需人貽馨出入必偕撰杖屨維謹彌留之日哀毀備至母壽至八十有九温席扇涼未嘗一假僮僕年五十病篤以不克送終爲憾兄弟五長兄次兄五弟均早世撫節嫂弟婦孤姪繼悉畢至戚友間周急扶危必竭力助之

陳鵬飛父病日以舌舐之賴以復明兄二均早卒寡嫂撫孤姪恩禮備至第一短於才爲之擇配俾有後生平豪爽見義勇爲道光二十六年往泉州責償途經海嶼見枯骨纍纍罄所收橐金設瓦棺構穴而瘞之咸豐四年土匪擾上游屍蔽江鵬飛倡義拾而措之

王上通父篤老不敢遠遊服勞奉養二十年如一日侍病藥非口嘗弗進不解衣而寢者半年兄病婢僕之役咸躬執之上通嘗爲質遷交易必以平樂於周急親知貧弗能婚喪必資之有仰給饕殮者居泉州粵匪肆擾倡捐防勦郡城賴之本道上其績獎八品頂戴

林瑞英兄弟六人和翁藹然從兄瑞福護解火藥赴漳途次九里洋兵丁失慎大府責賠償瑞英傾產以助藜藿自甘里中子弟多失學鄉人籌設義塾延師絀於費瑞英願捨已成之館自任教席不受束修

尤景謨字賢贊號佐卿父孟彪營絲業甚得贏利景謨繼之兄弟五人景謨居長時已析產母陳氏諭景謨曰爾諸弟幼未更事凡生事宜爾任之須合成一家無分彼此俟爾兄弟長成將遺產交還景謨始終奉命維謹十餘年諸弟俱能自樹立乃歸遺產於諸弟較前增三倍有餘力則旁通醫書陳氏素善病調護者二十餘年旌獎孝友建坊入祠

丁大成一名明字懋功輕財好施嘗往詔安佐理鹽政興利除弊一秉大公詔人士立碑五都以頌妻卓氏治家井然饘粥之費歲恒不給黽勉有無獨任其難公終歲客遊於外無內顧憂據族間長老言家居三官巷所居鄰右多貧戶時從乞米潘阜知其不舉火輒以糜粥畀之子四能遠能凝能顯能實孫椿年錫鑄

閩侯縣志 八七 孝義上

六

能實一名長華號靜少繼其父理鹺政久之歸里業鹺辦光澤埠初苦成本不足揭息於外廣運多銷與時盈縮溪海舟皆樂爲之用大獲利繼加辦尤溪額日以大於親族之貧者月給錢米公車之無力北上者助以資斧捐修郡邑三文廟暨先賢祠宇築丁氏草廬祖塋左置祭田若干頃設立義塚掩埋齒骼修復橋路後析產辭多受少讓宅於二兄讓埠務於三兄葺蕪草堂以憶舊題齋額於其旁置舍數十楹器具厨溷悉備每大比之年泉漳故舊子弟來者悉假館焉省城鼇峯書院歲久傾圮房舍逼仄請於糧儲道趙買庵舍闢而新之捐題六百以倡有安泰典舖用人不當喪失三千餘金董其事者爲從弟以失覺察引爲愧長華曰此耗星使然耳

椿年字楸巖父長泰候選直隸州州同椿年乾隆壬子舉於鄉援例捐員外郎分刑部勤肄律例極有心得推鞠案件多所平反方家居時得西關外地一所以備造墳會梁巡撫章鉅擇地葬親相度及此極稱意商諸椿

年立檢地券付之

錞字梅仲一字孝友父能顯一名長光歲貢生業鹽饒貲財切望子弟讀書延陳同知登龍課經史兼習詩畫錞弱冠補邑諸生後代父營鹺務性好施會省垣水災甚鉅特設粥廠七處以賑窮餓贈棺施藥前後十稔糜金錢七萬貫家業因而銳減好山水遊好客豪飲喜歌詠畫則人物花木蟲魚山水皆能論者謂得登龍遺矩登龍下世錞爲校刊遺稿今所傳秋坪詩存是也錞著有讀書軒詩草一卷妻陳氏有繡餘吟草四卷子斌

鑄字元量一字貞九錞第不治舉業日多才積學布衣自有千秋家藏書數萬卷多在四庫總目外者經史百家皆有纂述閒以餘力治詩詞嘗以詞苑叢談不註所出且中多謬誤乃重加纂輯著詩詞筆記若干卷歿後皆散佚長樂謝章铤采其詞入賭棊山莊詞話後又得其所撰詞說二卷葉蘭生字廷樞美機其號先世以幕名家小康蘭生繼承父志凡歲入一毫不苟取治家儉樸昆季無間言居嘗好客慕孟嘗君之爲人比鄰戚黨

閩侯縣志

八七

孝義上

十九

有告貸者率稱量予之十數年間積券幾難數計道光乙巳病劇一日強起發匱中券焚之謂兒輩曰吾席先人之遺蔭雖多揮霍尚有薄產以遺子孫何必計此乎此非市義欲爲爾曹去怨耳

葉殿濟字鏡舟附貢生候選同知繼母生母歿擇地安葬冒暑督工造墳原籍南平賓興大典族人到省應試欸待甚優有缺乏資斧者必極力資助戚族中婚嫁喪葬以及友朋貧乏均勉力幫助戚屬隣里有貧乏不能延師者因特設家塾招之來學遇修路敬節產糧印刷善書尤樂爲之三子瓊瑩字琇圃邑庠生父得痢疾親嘗湯藥衣不解帶者數月病危焚香籲天願以身代四子喬煜亦以孝行獲旌獎

陳翊昌字翥臣父栻咸豐己未舉人著有健松齋詩存翊昌八齡失恃惟祖母是依弱冠入邑庠旋補增廣生員光緒乙亥中副舉人父在海澄教諭任內得中風疾歸動必需人兄其昌以進士出宰浙江翊昌晨夕不離左右遂無意出山居鄉力行善舉設勸葬局凡修路敬節施藥施槽放生

惜字施棉衣諸事皆盡力兼行之勇於排難解紛戚友中有爭執者必多方勸解又好周急有告者無不應課子姪輩讀時述聖哲言行爲勗主講鼇江書院士論翕然晚築怡園城中雜蒔花竹自號怡園老人年八十重游泮水子十人孫曾二十餘人先後以科名仕宦聞

壽琨字耦石翊昌子壽琨年十二侍母張氏病寢食俱廢迨棄養哀毀如成人曾作母氏病中紀略並系以詩用誌哀慕庶妣鄒氏侍父賢勞有年壽琨事之如所生早歲補博士弟子員父窘於家計凡子女教課及婚嫁等事壽琨悉力分任視從兄弟一如同胞教授諸弟及子姪經史外以敦品勵行相勗生平律已嚴待人恕戚友告急必醵金伙助里中人有因事爭執者得其勸解煥然冰釋體素弱常咯血欲爲父分勞時自刻苦病因以增在父前則諱莫如深光緒丁酉與弟壽璠同舉於鄉戊戌會試以會典館謄錄議叙得分省知縣未幾卒旌獎孝友建坊入祠子四長駟聲國立法政專門學校法律本科畢業次騰聲商業專門學校畢業三聲聰國

閩侯縣志

八七

孝義上

三

立中國大學法學士官財政部主事簡任職任用四駟聲國立工業大學工學士中央各大學教授

綬金字組卿邑庠生廣東縣丞翊昌第四子三歲失恃惟庶母鄒氏是依事父與庶母先意承志教授弟姪以勤讀論語爲勗自奉薄而待人厚遇事善含忍力貧爲善戚友以貧乏告者輒量力伙助至施藥施米及印送善書諸事必襄成之見人忿爭必力爲排解共事同人均稱之爲菩薩王戊庶母病歿哀毀逾恒是年父又病寢食俱廢父歿痛不欲生襄助諸昆治喪事畢卒以哀毀致病越四月而歿

馮壽松幼遵父命出繼胞叔嗣然事其生父生母尤謹父母偶怒必侍側請罪兄弟二人有事必共謀而行弟有過失必教誨使改由是兩弟均能成立待族中伯叔兄弟常多分潤鄉鄰有求助者亦無不量力相贈

陳連爵又名敬右無字閩縣螺洲人鄉人敬其齒德稱爲螺江逸叟陳氏簪纓望族連爵獨以農逸讀書知大意幼侍父疾衣不解帶父卒常漬淚

痕既除喪有議姻者輒却之曰餘哀未忘也久之娶於林有子女各一家
中食指日繁農隙則出就商業以佐不給稱小康焉年未及壯喪偶母命
繼娶則婉謝曰娶婦以養親中饋事兩嫂及諸弟婦任之且諳母食性兒
亦已有子女倘繼娶不得人將爲吾母憂兒寧鰥也鄉有老嫗黎明持甕
出汲江潮驟漲失足墮時則野無行人連爵蚤起適見之遽入水揪其髮
以上素固善泅年逾古稀膂力猶過人若此子德志孝友好德義有父風
孫本震劬學陳太傅寶琛深器之畢業中學校復習路礦於唐山大學次
孫本菁畢業商業專門學校精籌算善治產家日以裕亦謹愿肖其家兒
曾孫八人

林登灼少以父命習杉業懋遷獲利父得痼疾剜腕肉和藥以進母病侍
湯藥衣不解帶數十日有異母弟二人父歿後挈次弟習經紀遣三弟就
外傅妻亡不再娶積貲爲弟妹婚嫁計祖遺任屋三間兩弟授室登灼賃
屋而居

閩侯縣志

八七

孝義上

二十一

李炳圖字儀叔諸生有聲庠序間父竹友老而風疾徧身不遂飲食衣服
及便溺動需人炳圖親侍奉之歷六閱月未嘗須臾離弟偉齋在馬江船
署染夏疫幾殆急報至日方中炳圖冒暑疾馳往返水陸百餘里挈之以
歸視疾旬餘而病起生平課徒爲業游其門者一言一動必有規矩鄉鄰
有爭訟者得一言輒解

黃冠芳世居南臺文山里十二歲喪父號泣如成人母鄭氏一病顛連床
褥與兄瑞長躬親湯藥衣不解帶者累月年十六喪母哀毀骨立日夜痛
哭仲兄早故厚視其寡嫂孤姪稍長課之讀恩法兼施瑞長以商名芳以
儒就商亦棄儒就商內外之事無論鉅細必先咨於兄與嫂而後行兄卒
後與諸姪共持家計內治嫂總之姊一適林一適陳俱困於貧芳周恤備
至已故猶贍其孤子二長守元習商次子守素讀律

陳景康字君衡父松軒以邑諸生爲邑宰所陷瘕死獄中闔邑書生寃之
適書院開考譁然罷課上憲廉得其情邑宰免職事乃寢景康爲遺腹子

幼聰穎爲業師所嘉許不受束脩以家貧入海軍每試輒高等卒業後歷任福州及南北洋兵艦輪機長之性喜調恤戚友賴其舉火者不乏人葉元章字楠藩號鶴峰家故裕恒惡衣糲食富貴貧賤男女夷然等觀也族人貧者夥屢求無藝不給則質以繼貸券徑寸舉燬之間有償者索券則無矣少治舉業科舉旣廢乃治古文辭苦無師冥索古籍中喜著述秘不示人遂皆散佚攻苦失度瘵成猶力疾課子女讀二十餘歲時喜讀黃老書講導引按摩之術居恒靜坐自謂有效顧以有叔被誣逮獄心憤懣爲奔走營救不三月逝矣

程琦字翥于幼失父諸父有官河南濬縣者往依焉濬縣愛如己子授以經史穎悟殊常尤留心政治凡刑名錢穀之學靡不探討且悉其肯綮遇疑獄濬縣或與商推皆能發其覆縣無枉者幕賓皆推服濬縣以循良稱入河南名宦祠琦與有力焉旋里爲邑諸生世父某以錢商折閱負罪琦詣縣署願以身代且盡毀已產以紓難縣令賢之越六月債清獄解光緒

閩侯縣志

八七

孝義上

三

癸卯舉於鄉

李如龍號玉光年三十而婦亡誓不再娶躬操井臼代母尸饔暇輒談故事說古書以娛母意年六十餘始喪母

王心誠號立敬平生不讀書而言行所守不出聖賢範圍家奇貧飢寒交迫不缺菽水之承歡後充馬江船政差官所得月薪盡贍親黨故後家無餘貲

賈凝禧號紫庭與兄友愛綦篤兄食指浩繁皆仗紫庭贍養戚族貧乏者亦無不周恤故歷充海軍優差歿後家無儲石

黃震麟早失怙恃歷官至漢軍旗佐領事兄如父平生無一語忤兄意視兄子如己子

許贊周號翊臣事兄如事父坐卧必偕顏色必和兄所言無不奉行所言非是輒幾諫不敢顯摘其非閒或外出謀食所獲薪金皆供兄親屬亦無不沾其波

羅義進字季高隆寒一褐不蔽兩脛一日再哺咸以糲屑鹽豉襍菜根實其中佐飯至養其父則所御恒有新衣烹飪必出義進之手美饌佳餌恒多方羅致如是者三十餘年父年八十餘尚能狎優一日赴城隍廟觀呂芷紅劇行十里至茶亭去城隍廟尚十里也忽謂義進曰芷紅思得藤山館所製肉饅頭汝歸爲我取之義進聲諾馳十里歸得肉饅頭直趣城隍廟上芷紅父患目疾結厚障西醫將啟以刀義進大啼父卒就西醫館啟其障義進日載珍饈卽館哺父夜則卽床下宿更盡凡數起義進壯時嘗佐人質遷受直儲微貲人詰其不娶義進曰我娶父安得養遂終身鰥甲午父目疾復作義進乃五更起以舌舐父目旣設案庭中搏顙顙天遲明始已凡二十四閱月而病作竟卒

案義進蓋孝而愚者也其父不安分惟知自適其口體而不顧其子之盡瘁以死甚至狎優使其子事之如父可謂至不慈而無行者矣孔子曰生事之以禮義進愚民烏能責之以此天不先死其父而先死其子

閩侯縣志

八七

孝義上

三

誰復適其口體者亦所以報無行不慈之父哉

黃祖榮字占鼇號柱臣世居義與家貧年十五卽習賈有億中才父玉山旅食上海嘗病竺祖榮聞之不敢告祖母與母託言居貨亟往侍疾瘳護以歸父善飲乃爲闢園林招父執晨夕過從必有酒肉如是者二十餘年有弟秉榮性慷慨資給之不稍靳一姪授以轉物積居之術精警出己子右同業有以疑事取決者必爲剖刺窾繁解人紛亂必使水釋以去光緒季年中朝詔各直省開商會以達聖闕羣推祖榮協理福州總商會又推長慈善社龍臺救火會祖榮不欲尸其名婉謝之然於鄉邦之旤莪荒札所由弭而扞圍之者必殫必究義與丁高蓋山南田塏苦培勾工垣河口以時畜洩晦歉秋庚子夏南鄉澗如海勢窪地與重屋齊命籜筏四出援墊者歸堂室滿焉辛丑隣鄉下洋災舉邨煨盡具京著鯁鬻贍凍餒又旁述巨訾爲購門材立棟宇其它惠濟之小者不殫述獨求秘方儲藥物活匹夫匹婦之輕生服鷺粟膏者千計實爲行道有福子步瓊光緒癸卯

舉於鄉試禮部歸航海觸礁數時許遇救有天幸焉己未全國禁粥日本貨相傳某學生遭害疑及祖榮頌繫兩月無何其生無恙獄卒解家人以祖榮辛勤數十年勸息業祖榮喟然曰吾家可息其因吾家以有其家者一旦失所奈何詔子姪勉紹母意配潘氏有婦德子三長卽步瓊國立大學經科學士官河南地方廳推事權陳留縣知縣次步瑀日本明治大學商學士三步璇自習商世其家學

李錫容字達夫少孤貧傭書督署中署中吏以兵房權最重題補將弁視官缺大小納禮金有差吏有名籍世相承稱爲缺主錫容受缺主聘爲治牘受傭值而已禮金則缺主得之光緒間總督譚鍾麟廉知錫容能又病吏無稍食不足養廉始定歲精局試署中吏擢錫容第一爲總書盡削缺主名籍錫容曰是數十家不其餒邪則身任其勞責割所得以參之數十家賴以活兄鳴岐殉難臺灣求兄骨不得哭之慟撫兩姪如己子其友李虞臣老而獨錫容爲謀娶嬭資以衣食旣卒存其孤子景先傳在文苑景

閩侯縣志

八七

孝義上

西

銘甲辰進士度支部員外郎景堃癸卯科副貢浙江知縣景言畢業國大學預科獎舉人通判景楨獎舉人學部主事景新獎優貢

林坤望願望兄弟二人以父老出求菽水之養同客福鼎林翁病馳書召二子二子得書惶遽愴楚徒行六十里抵暮至鹽田鄉鹽田對渡卽爲飛鸞江深而流駛二子坳舟夜渡舵工曰今夕且大風幸無渡衆中有一武弁怒斥舵工時月出水平則極言舵工之妄舵工亦怒曰與汝偕亡而已遂張帆行未半渡大風斗起至覆釜洋船觸礁不得出風迅浪惡舟上下且碎舵工曰礁去山未遠揭水可渡時舟中五十四人舍舟揭水者二十七人二子念父心切亦舍其裝而趨海將抵岸矣而水深滅頂衆無計謀反其舟至已失其舟潮復大至二子以髮辮相結而死

賈勃賈瑾兄弟二人某鄉人母黃氏家貧守節勃瑾刈樵蘇以供母宣統三年閩省革命勃瑾由省回里途遇無賴數人橫搜行李知無長物反怒欲殺之瑾呼曰我弟也請釋彼而殺我勃亦呼曰我兄也請殺我釋彼並

遇害勃年二十瑾年十八母聞知絕吭而死

閩侯縣志

八七

孝義上

五